

張霞房紅蘭逸乘

可園圖書館有印^本丁丑後都為劫灰
詢諸佩諱子奕齋中亦無有也於洪
君處借得鈔本乃屬華生亟錄之

庚辰春仲

4220.175
9361

紅蘭逸乘



長洲張霞房輯

序

紀吳中故事者左氏吳語之文波瀾舒卷有典有則
次之若越絕書吳越春秋俱古藻紛披蒼秀欲滴繼
之者不亦難乎三國至唐代有紀述而流傳絕少宋
范文穆始蒐羅遺佚纂述成書明則盧王二志剪裁
有體足為模範予謂修官書與閉戶漫錄肯不同今
年春曾有友人強邀入修局志予未之往是稿藏之
巾箱僅為裨野之支談而已矣李青蓮詩吳王舊國
水煙空香徑無人蘭葉紅書之名蓋取諸此姑存之
以俟博雅者就正焉長洲張霞房識

紅蘭逸乘凡例

長洲張霞房輯

凡例

- 一無稽之言不錄
- 一他書多見者不錄
- 一郡志已載者不錄
- 一凡他邑之事有關吳中者悉採以備參攷

紅蘭逸乘目錄

卷一

古蹟

卷二

遺聞

卷三

尺牘

卷四

瑣載

目錄

紅蘭逸乘卷一



長洲張霞房輯

古蹟

姑蘇臺者吳王齊玄所造也昔吳王瑩羽嘗與楚戰種弗利而百姓疲敝王將卒有六甲晝見吳之分野王訓其子齊玄曰烏乎主疇罔欲保厥國民疇弗欲保厥家強國罷民國卒越弱率予多事於楚邦厥一作惟民底疚天式示象六甲晝見於我吳陰陽靡已罔分節候靡已罔配政教靡已罔布農時靡已罔授侯逞於式師敵北戎克尚匪仁君逞民

卷一

錢本亦綱

悴焉攸往利余疾屬綱漸爾惟保太王之統緒無底失墜余於地下懷爾勳從茲以往爾姑蘇我民乎烏虜罔違於余言國乃昌子孫其吉民乂而或匪後言訖屬續太史籍之藏之玉牘齊玄於是起姑蘇之臺以誌之後十餘世巫臣復通吳於上國而楚人懼緝柳編

金姆橋在城中通閼坊其地古有閼也昔吳王齊玄好道王母嘗與齊玄會於此命僊女房奴歌壽南之曲彈橐琴錢本亦琴後人名橋為金母即西王母也右二節俱見漂粟手牘非越絕書吳越春秋所

有也壁羽一作闕羽六甲星名在紫微垣齊玄二字見禮記文王世子篇古者太子齊玄以養也二君在壽夢前故不著於春秋

鵠夷二年國中雨石大者方圓丈餘小者亦大於拳兩及數里不傷人屋後亦無他至今葑門內里許有大石是其遺蹟也亦載漂粟手牘

昔渡僧橋未造時恒有小舡於此渡商賈界二錢孫權時有比丘欲渡舟人先索錢僧故不與舟人叱之僧怒折一楊枝置水上履之而渡若平地也於是諸商賈爭牽衣拜之多出金造此橋因號曰渡

僧緝柳編

卷一

二

乘漁橋北
即今言子廟

乘漁橋下昔有深水今不復爾矣丁法海嘗浴於此見一大鯉甚馴戲跨之忽躍起化為龍飛入雲端明日法海貽書友人言赴琴高之約於大言之山看日出五百年後更當來此

孫權時吳中大疫有一老翁憇於橋上袖間掛藥瓶數枚各有識或曰不安殺人或曰孝或曰悌之類言瓶有神藥轉死返生求治者不取價但諦視其容色如孝悌者若慈悲者各以類昇之人皆服其鑒識愈幾千人或為人逆而忍者不應從老翁不

知所之今吳中憇橋是也

支遁好乘馬其最重者名曰頻伽嘗飲頻伽於橋下
馬渡處忽生蓮花人異之故名橋曰飲馬而橋之
西南有蓮花巷

黃牛坊橋始成時夜半月下有黃牛在其上有喘聲
居民視之化作一小龍躍入橋下明日有西番僧
至此曰橋下有寶氣解衣入水得玉龍一枝輕黃
色製夏精妙人欲奪之僧遂行其人足不能行跬
步僧遠不可復追始得行至今稱黃牛坊橋或云
載若思雙柑斗酒聽鶯處故又稱黃鶯坊

右俱錄吳郡疏

卷一

三

桐薪云宋有黃田狀元居此建坊後誤為黃牛坊
然郡志黃田係吳江人有狀元坊在城東南隅其
說謬矣

吳子城甚小今之吳宮當作吳股而東西天王堂係
子城鼓樓基今鼓樓坊猶存舊名通闕坊東土岡
迤邐蟠繞猶見城基吳枚菴云吳股者出城之路
也

白塢子巷有白塢雕刻佛像今在人家壁中

吳周公瑾故宅至宋為雍熙寺又明時分其半為郡
城隍廟廟中掌庫神祀陸伯言廟外俱明廣孝阡

民國廿六年
丁丑臨頓路
拓寬時所
去無三景見

也

申文定祠在流化坊舊吳縣署也遷署而建祠故今

里東有吳縣西橋

俗改吳苑

城隍廟東有馬坊街及獄

牢遺址今皆為民房矣祠中有三間亭及池松柏

婆羅成林祠前有棋杆 國朝乾隆辛亥被颶風

所折

太湖中鼇山形如鼇而中虛巨浪歛吸驚濤激雷其

下多竈其上有野廟在荒榛之中昔湯文正公燬

上方五聖廟五聖之精逃匿山腹村巫私祀之

昔吳淞潮甚猛號霸王潮俗訛傳楚霸王為厲唐時

沿江立漢功臣七十二廟以鎮之

蕭何紀信輩皆為土穀神

康王古廟在鐵瓶巷北志云周康王廟并附會以刑

措之說未可信也按說鈴述異記亦載杭州康王

廟以為司虎之神殆因有虎患而祀之癸辛雜識

云宋元以來平江多虎患也

唐洞庭君柳毅墓在西街五峯園之樓下久已蕪沒

有居人晝卧見車馬騶衛入室有美丈夫緋袍玉

帶上堂忽不見駭而掘之得碑及金縷懸柜知係

柳君所葬不敢犯而止見太倉王昊當恕軒偶筆

今郡中白鶴三鄉廟水僊王廟皆祀柳君也 醋

洞庭君墓在
秦伯廟東首
五峯園內古
研尚存

庫巷水僊廟香火極盛堂前有方池頗深乾隆年間賽會觀者擁擠有五歲嬰兒墮入深池浮於水面眾見而拯之手中糕餌紙包猶未濕兒言水中若有人托其背者絕不驚怖其靈祐如此
堅瓠集云予親見長洲縣署露臺下西堦甃石是蕭景興仗義英風之碑

莎衣僊淮陽眀山人家孝宗賜號通神先生周敦安筆記云墓在齊門外蠡口本號攝冢俗呼歇塚

郡城東南三十餘里名陳墓湖州府志云宋有陳妃墓此又云宋有好奇之士曰陳震居此近呼池墓

卷一

五

雲窗私志云呂蒙讀書臺開西館以延俊髦共相抗揚朝夕稽考識見日進吳大帝益重之今西館橋是也府志作西贊橋

雲煙過眼錄載宋趙伯駒桃源圖乃吳中圓妙觀圖也可想宋時觀中多桃花亦吾唐時長安元都觀矣元趙子昂書山門記碑真者在松江而吳中所存條翻刻耳圓妙觀唐時為紫極宮宋稱天慶樓山門碑王文恪公志載之觀前街舊名碎錦街有橋對觀者名碎錦橋錢補履云康熙年間居民鮮少立橋上望見張王府基一片荒煙蔓艸今則屢開撲地掛鞋

在縣城隍廟西
名橋池沼尚有
遺跡可尋

駕肩矣三清殿有吳道子畫老君象碑龐眉披髮
貌極蒼古宋寶慶年間道士馬大同立又有宋嘉
定戊寅一碑在楹桓前明洪武時奉詔謁觀中賜
田租碑方正學書碑在今行宮中其碑文明永
樂時磨去俗說劉海埽去可笑之甚

蕭王墓在蕭家巷蓋齊梁時貴人葬地因居民造屋
掘得古碑而知之近年又聞掘得碑云唐相盧公
之墓未知何人

鳳池園在蕭家巷中園極大池亦廣今分售其地為
三姓所有即元邑神廟亦其餘地

卷一

雪糕橋昔張孝子搏雪為糕以奉親所居在蕭家巷

祠亦在焉其事詳見廣新聞蕭家巷陳氏園地
中即張孝子墓處

大儒巷以明王仁孝先生所居得名也其祠在護龍

街大關廟側所著有俟後編國朝康熙間彭南

昀太史梓行之

城南開元寺後有藏經閣以磚石累成不用樑柱俗
呼無樑殿分三門口阿脩羅曰毘奈邪曰瞿毘曇
其閣並無經焉有燕國夫人象蓋吳赤烏年捨宅
造寺之人也又長署南有燕家浜府志云昔人於
此得石函刻字云燕國夫人首級蓋葬於此是也

盧安山醒已編云寺中舊有三官殿乾隆初年寺僧乏柴斧而薪之矣今遺址存焉又有地藏殿十王殿所塑無常鬼王甚靈常夜出往來地南人皆見之又有臥佛即如來涅槃雙樹象也

元趙松雪云北禪寺主僧正吾號南屏藏定武蘭亭是其師晦巖照法師所藏從其借觀不可夫正吾之珍秘蘭亭幾與辨才相似乃松雪借一觀而不許亦太吝矣

孫溪朱氏讀書望田樓在楓鎮之南嘗聞處士昆玉耕讀築樓在孫武子橋聚族而居

卷一

七

西洞庭包山寺傍有竹園宋朝永菴禪師臨化時手插一枯竹杖於庭後遂生枝葉成竹林矣

明萬厯年間閭門內專諸墓壞居民起石幢一座高僅三尺許四面刻毘盧遮那佛象三面並作思憶相一面撒手不知何代物也今歸寒山

虎邱千佛閣傾圯不可為遊者無不仰嘆殿學申公捐貲鼎新一日有匠人詣寺自云能整齊之請具香燭花果冥鏹列數百燈夜與同伴三四人閉戶丁丁不輟及曉巍然如故矣一云越東異僧來敲正之

五三刻余
難居寺中
月閣四越

府治東有東西兩天王寺唐大曆三年托塏李天王
白畫現形其地居民共募造寺中有熾盛光王佛
毘盧觀音象其二十八宿猶是唐朝夾紵舊物石
韋駝象尤古

趙居士宦先偕黃山人習遠遊洞庭東山法海寺見
殿東棟間懸一巨篋訛諸老衲云軸子在內自入
教以來三十年矣未有開展不知何軸居士使數
人百計開展乃是陀耶入泥洹畫象也天龍八部
人非人等皆號咷躄踴悲慘莫可名狀圖方廣二
丈餘一幅素為之題平江府造四字而無歲月鑒
定為宋政和時物於是率同遊作禮於庭州間歎
未曾有

黃土塏橋明祀京兆嘗宿於其旁有聽鼓記一篇據
云府署鼓聲今以理測之當係吳縣署中鼓也若
府署在二里之外而云聽之厯厯祝公雖耳聽治
勝人恐未必能如是地云黃土曲故塏亦云郡
中塏塏凡七此其一也

元妙觀西劉進士宅中有石井闌銘曰宋朝寧國寺
井蓋其寺址也此寺蓋燬於宋末兵亂今宅前竹
葉瑪碯旗杆墩及門旁滾石俱舊物

舡塲巷口井闌石有宋咸淳戊辰年任山明叟立書法甚佳

西美巷宋井有銘字已載竹汀先生日記中矣余觀其銘稱永定鄉乃知今鐵瓶巷有永定寺係鄉名也

鈎玉巷淮張時宮人埋玉之地也故近王府基

鈎蘭巷今梅幽蘭巷余聞朱酉生云前朝妓家所居張玉得美人擇其最姝麗者貯以香桐芳蕙二閣今桐芳巷在城東北隅

中和道院在宋亦係雍熙寺址也今分西偏作郡城

卷一

九

隍廟東偏仍為寺而在三國時皆周公瑾故宅也有手植古柏在道院之古柏山房銅皮溜雨黛色參天撫其老幹半化黃石矣

天宮寺在陸家巷明末有趙凡夫范長白沈郎倩徐昭發文文起陳古白蒼雪和尚張以中邵瓜疇陸青章等結放生蓮社於此崇禎時譚元為住僧元若禪師畫掩關圖巷前有眉公書息影僧誦四大字後有沈建趙兩李塾杜大綬馮夢桂朱簞姚宗典周師文褚篆劉錫石胡汝淳周永年鄭敷教匡崔金俊明顧善周茂蘭僧天童圓悟題詩不寐道

人凡二題一在明末一在鼎革之後

白鶴觀記一卷康熙間郡中鴻博馮鼎撰并書今墨蹟猶存觀中福濟觀崇禎宮道房俱有志亦若僧家之分南北宗

衛前街太公廟祀尚父而白起關壯繆附焉或云古之旗纛廟也唐時武廟祀尚父而白起與關侯列六十四賢中

圓妙觀石觀音殿乾隆甲辰葺門彭氏重修余家助銀二百金大士始裝金焉石象向在牆中不蔽風雨俗稱露天觀音

卷一

十

顧氏依園中有梁妙嚴公主墓楓林蕭瑟池水寒漪遊其間頗有幽靜之致墓上為妙嚴臺前有妙嚴泉繞以妙嚴池今售於錢氏改武肅分祠矣

春草閒房在雙林巷金俊明故宅也乾隆年間郭祭酒居之余嘗過其家題云不寐道人去草堂依舊閒盆池添水綠石笋列秋斑淨業歸真際風高杳莫攀老梅留畫稿偃卧曲闌間予嘗得不寐道人畫梅冊十二幅清逸奇古頗近邵瓜疇今寫梅者罕有倣之

二株園在周五郎巷明徐勿齋先生宅也楊維斗諸

清光緒初年
憲齋尚書賞
卜居於此金孝
章榜書及手
植方竹至今尚
存

菴在吳縣西
橋東北

公會文之所花木之盛與范家園爭勝蔡遠山業
師買得二株主人石印欲磨去適談二瓢見之歎
嘗鐵筆篆法之妙乃不磨留之

石馬菴在雙林巷口有宋高宗妃留滯平江歿於
此曰娘娘墳墳上石馬歲久靈怪常下岸飲水被人
擊去首想此庵即其香火院也

查先生菴昔有查先生精於黃白之術嘗居此見江
淮異人錄

穹窿山麓拈花庵即福臻禪院之故址也建自梁天
監二年在宋為韶國師道場明永樂間勅賜為建

忠禪院明李頂日徹師又為菴

周孝子廟在李義坊廟中有蓬萊井疫歲虔禱於神
汲泉飲之可免有神精面黑鬚為控馬者曰顧太
案太係國初人業顧繡生平敬祀周孝子神歿為
執鞭今凡學繡者尸祝焉曰繡祖而祀以方糕蓋
所嗜也

春申君廟在鐵瓶巷中神象之傍有皂班曰尹阿爹
乾隆年間人為吳縣伍伯者也或云姓王生平正真好
義已諾必踐歿而塑象人家有失物者往禱祀以
燒酒腐干并書失物之本末粘其竹片則夜間竊

物者必受責撻

羊山一名蒸山以雲氣之常如蒸也吳越春秋吳王夫差殺公孫聖提之蒸邱即此山戰國策云越王勾踐以散卒三千擒夫差於干隧今萬安鄉有遂山即其地

張七公土地廟在澣關祀晉張李鷹祭用蓐鱸

夫差大王廟在澣門外車坊昔吳王造車處

乾隆丙午澣門外耕者掘得古墓碣云吳興沈萬二之墓知係萬三之兄疑有財寶爭先入壙及入則壙大如三椽屋一棺之外別無長物遂重封拚之

卷二

十三

嘻象以齒焚翠以羽戕萬二之智勝萬三遠矣太倉嘉定縣志云沈萬三名真一安亭人富甲一郡明洪武太祖作詩云百僚未起朕先起百僚已睡朕未睡不如江南富足人日高丈五猶披被萬二聞之歎云兆已萌矣即以家資付幹僕掌之買巨舟載妻子汎遊湖湘不二年江南豪右以次藉沒獨萬二以令終夫不十人不足以莫崔子之柩不得隱藏由其有拱壁也楚白公罪同崔子何以卒匿其屍哉無寶故也觀萬二之營壙當不止十人而莫而莫知焉可悟璠璣之不可殮矣

中峯寺在支硎山韓補瓢筆記云中峯巖壑深秀處
為冬青軒何義門先生幼從王近邱師讀書其間
壁脚東塗西抹皆其手蹟寺僧以其名重不忍拭
去其髻年題壁云清溪十里瀉奔淙尋到源頭出
梵鐘山雨欲昏林外塢輕雲不掩閣前峯讀書人
去巢餘鶴入定僧歸鉢有龍閑埽落花扶瘦竹深
山無事不從容又有十九日拉伴山峯觀覽小雨
急歸云越山吾所愛一雨罷登臨小得逢窗韻全
乖蠟屐心無聲宵漲閣有影曙峯深好訂重來約
情於剏未尋又一首云牢落中峯寺無僧竹樹清

矮窗看山色高枕聽溪聲又二句云清坐北窗無
一事閒看小鳥捉飛花詩後或書焯字爾時八法
未工筆姿端正雅秀頗似閨秀簪花體格

明初王賓^{吳人}輯虎邱詩一弓載元郝經詩云虎邱山
前新築城虎邱寺裏斷行人呂敏詩云山上樓臺
山下城朱旂夾道少人行曾朴詩云闔閭塚上見
新城無後遊人載酒行其年乃至正丁酉淮張用
事周南老詩云白髮趨公役馳驅上虎邱又云四
疊新城繞劍池劍池上碧崔嵬蓋南老方為澤
門之督董其事也虎邱古名海湧峯必有危巖列